

seß/dauon oben gemeldet/ein böß Kinder-
vater/vnd auff den alten Man/ Weib vnd
Kind/nicht gedencket/ Señ ein Trunckē-
holz achter feins gelt/s/verzöttelt/vñ ver-
thut sein geld schendlich/ weiß nicht wo
hin es kömpt/ wo es leibet / wie es ihm
durch die hende gehet / Eins trunckenen
Mans beutel/wil fe n geld halten/ Also
verseufft mancher alle seine Habe vñ güter/
vñ was er gewinnen vnd werben kan/ Auch
wol oft die Kleider vom Leibe/vnd die hos-
sen (mit laub) vom hindern/das er darnach
nackendt vnd bloß gehen muß / Welches
auch durch die nackendt vnd bloßheit die-
ses Kindes / figurirt vnd vns für gebildet
wird.

5.

Zum fünfften/ So ist die Ebrictet vñ
Trunckenheit/ auch vnverschämpt / vnd
wann es von nöthen/ das ein trencker sein
wasser lassen muß/ (wie dan einem seuffer/
mehr dann anderer / sein Wein vnd Bier/
welchs er getruncken/zu wasser gehet/) so
thut er solchs öffentlich/ vnd vnuerholen/
schämet sich auch für niemande / lest jeder
man zusehen/so es doch die Natur viel an-
ders verordnet/ vñ die pudenda oder scham-
me / an Frauen vñ Männē/zugedecket vñ
verborgen habē wil/ Aber Kinder thū/ als
Kinder/ vñ nicht anders/ So ist ein Trun-
ckener Mensch/in allem seinē thū vnd wes-
sen/einē Kinde nicht fast vngleich/vnd hat
K iij Kindische